



Broj: 09-20-11-2-3251-V/23
Sarajevo, 21.12.2023. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2023. godini, direktor po Rješenju o ovlaštenju Vlade Federacije Bosne i Hercegovine, V. broj: 1597/23 od 07.11.2023. godine („Službene novine F BiH“ broj: 87/23), d o n o s i

O D L U K U

o izboru najpovoljnijeg ponuđača za nabavku usluge čišćenja i održavanja higijene u Terenskom uredu Tuzla – LOT 5

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke usluge čišćenja i održavanja higijene u Terenskom uredu Tuzla – LOT 5, te se ugovor dodjeljuje ponuđaču „EURO-EMS“ d.o.o. Tešanj, čija cijena ponude iznosi **5.899,92 KM** bez PDV-a.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Odabrani ponuđač dužan je u roku od pet (5) dana dostaviti tražene dokaze u skladu sa tačkom 2. tenderske dokumentacije.

IV

Za izvršenje Odluke zadužuje se Sektor za materijalno- finansijske poslove.

V

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke usluge čišćenja i održavanja higijene u Terenskom uredu Tuzla – LOT 5, broj Obavještenja o javnoj nabavci: 1412-7-2-372-3-166/23, objavljeno na portalu javnih nabavki dana 01.12.2023. godine. Javna nabavka je provedena putem konkurentskog zahtjeva za dostavu ponuda. Procijenjena ukupna vrijednost ugovora iznosi 5.900,00 KM.

Postupak je provela Komisija za provođenje konkurentskih i pregovaračkih postupaka nabavki u 2023. godini, broj Rješenja o imenovanju 09-19/1-30-2-24 od 04.01.2023. godine i 09-19/1-30-2-24/23 od 30.06.2023. godine.

U postupku je utvrđeno da je preporuka Komisije o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene dvije (2) ponude, koje su blagovremene, i to ponuđača: „**EURO-EMS“ d.o.o. Tešanj i DSO Agencija za čišćenje stambenih i poslovnih objekata „Cakum-Pakum“ Tuzla,**
- da nije bilo neblagovremeno zaprimljenih ponuda,
- da je Komisija konstatovala da je ponuda ponuđača: „EURO-EMS“ d.o.o. Tešanj, **prihvatljiva**, te da ispunjava sve tražene uslove iz tenderske dokumentacije, a da je ponuda ponuđača DSO Agencija za čišćenje stambenih i poslovnih objekata „Cakum-Pakum“ Tuzla **neprihvatljiva** iz razloga što ponuđena cijena prelazi planirana, odnosno obezbijedena novčana sredstva ugovornog organa,
- obzirom da je Tenderskom dokumentacijom predviđeno održavanje e-Aukcije, a kako je zaprimljena samo jedna prihvatljiva ponuda, Komisija je u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16), dala preporuku Ugovornom organu da se postupak javne nabavke usluge čišćenja i održavanja higijene u Terenskom uredu Tuzla – LOT 5 dodijeli Ugovoru ponuđaču „**EURO-EMS“ d.o.o. Tešanj.**

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 5 (pet) dana od dana prijema ove Odluke.



Dostaviti:

- Sektor za mat. fin. poslove
- ponuđačima
- u spis